

Referat frå møte i Styringsgruppa og Prosjektgruppa , Nortura Gol, 23.11.2016, kl. 10.

Til stades: Tor Grøthe, Erling Skurdal, Håkon Haug Laa, Steinar Bergerud, Steinar Staaland, Vinni Foss og Per H. Liahagen.

Fråverande: Elin Bergerud og Gerd Jorde.

Sak 1: Status for prosjektet

Styret i Buskerud sau- og geit (Bsg) utarbeidde Prosjektplan og Finansieringsplan i 2014/2015.

Det meste av finansieringa var på plass hausten 2015, og Prosjektsekretær vart engasjert.

Styringsgruppe og Prosjektgruppe var på plass i oktober 2015.

Deretter starta arbeidet med informasjon om prosjektet til lokallaga i Buskerud, og særleg til lokallaga i dei 8 prioriterte kommunane. Det er 10 lokallag her. Felles informasjonsmøte for desse lokallaga vart halde på Nesbyen 05.01.2016. Dei fleste lokallaga var representerte der.

Då det meste av arbeidet i prosjektet må skje lokalt i dei enkelte kommunane, var det også viktig at kommunane/landbrukskontora vart godt informerte. Regionrådet for Hallingdal (ordførarar og rådmenn) vart informerte på møte i Regionrådet 27.11.2015. Landbrukskontora vart informerte i eit fellesmøte for tilsette frå alle dei 8 prioriterte kommunane 26.01.2016. For å få involvert sauehaldarane i kommunane, vart det tilbydd informasjon i samband med årsmøtene o.l. i lokallaga. 4 av lokallaga nytta seg av dette tilbodet i løpet av fyrste halvår 2016.

Arbeidet i den enkelte kommune skal i hovudsak skje i lokale arbeidsgrupper. Sentrale aktørar her er lokallaga i sau- og geit, faglaga (Bondelag og Bonde- og Småbrukarlag), kommunane (landbrukskontor og helst også politikarar), grunneigarlag, skogeigarlag, reiselivslag m.m. Det var forventa at styret i dei lokale sau- og geit laga skulle etablere desse arbeidsgruppene. Det viser seg at det har vorte vanskeleg. Ingen lokale arbeidsgrupper er til no etablert.

På grunn av den forverra marknadssituasjonen for lammekjøtt i Norge sidan hausten 2015, har mange sauehaldarar liten motivasjon i arbeidet for å auke produksjonen i tråd med måla for prosjektet. Det er truleg hovudforklaringa på at det lokale prosjektarbeidet ikkje har kome igang.

Det er også meldingar om at mange har problem med finansiering av nybygging og ombygging av hus til sau. Innovasjon Norge har instruks om ikkje å prioritere sauehus. Fylket er delt i to ulike kategoriar. I dei 8 kommunane i Øvre Buskerud + Krødsherad og Sigdal i Midtfylket skal det framleis vera mogelegheit for lån og tilskot, soframnt ressursgrunnlaget på bruket er godt nok. Dette ser likevel ikkje ut til å skje. Det er alvorleg for ei næring med sterkt behov for rekruttering at mogelegheitene for å fornye driftsapparatet er vanskeleg. Utan ein viss grad av nybygging og ombygging av sauefjøs i retning meir rasjonelle driftsopplegg, vil mange legge ned produksjonen. Dei øvre bygdene i Buskerud har sær gode utmarksbeiter for sau. Slik det har utvikla seg dei seinare åra, er det sau frå andre delar av fylket som i aukande grad tek over desse fjellbeitene. Det er m.a. det dette prosjektet skulle prøve å motvirke.

Sak 2. Marknadssituasjonen for lam

Erling Skurdal orienterte om status for produksjonssituasjonen for lam. Årets slakting kom igang tidlegare enn i fjor og slaktevektene er noko lågare. Likevel måtte ein alt tidleg i sesongen gå til innfrysing av lam. For 2017 reknar ein med 4% større tilførslar enn i år. Det er sett i verk tiltak for å auke salet av lammekjøtt, og det er prognosert ein auke på 4% derogså. Ein må likevel rekne med ein overproduksjon på 1.700 tonn også i 2017. Det er håp om ballanse i 2018 eller 2019.

Vedtak: Styringsgruppa tek orienteringa til etterretning.

Sak 3: Revidering av måla for prosjektet

For å prøve å få igang aktiviteten i dei lokale arbeidsgruppen, har vil ein i fyrste omgang starte arbeidet mot dei måla som ikkje fører til auka produksjon.

Vedtak:

Styringsgruppa prioriterer desse måla for 2017:

Mål	Tiltak	Ansvar	Frist	Status
Ny Beitebruksplan	- Gå gjennom noverande plan. - Kartlegge lokale ressursar - Starte utarbeiding av ny plan	Lokal arbeidsgruppe Prosjektsekretær/ Prosjektgruppa	01.12.2017	
Auke kvaliteten på kulturlandskapet	- Status i dag - Prioritere tiltak	Lokal arbeidsgruppe	01.09.2017	
Betre kunnskapsnivået og lønsemda i sauehaldet	Fagdagar med fokus på rasjonelle driftsopplegg Fagmøter/studieringar om fôring, beitebruk, avl, helse og økonomi	Lokal arbeidsgruppe Prosjektsekretær/ Prosjektgruppa	Fagdag/fagmøte innan 1/4-2017 Fagmøte/studiering innan 1/11-2017	

Sak 4. Arbeidsplan for fyrste halvår 2017

Arbeidet med prosjektet må no koma igang i den enkelte kommune. Det ser ikkje ut til at lokallaga aleine maktar å gjere dette. Det må difor setjast inn større innsats frå leiinga av prosjektet enn fyrst tenkt.

Det er også viktig å få avklart kva slag praksis Innovasjon Norge tenkjer seg framover når det gjeld lån og tilskot til investeringar i sauehaldet i fylket.

Vedtak:

1. Prosjektsekretæren og Prosjektgruppa må ta initiativet til å få igang dei lokale arbeidsgruppene.
2. I fyrste omgang må det haldast møter i alle dei 8 kommunane der det lokale sau- og geit og landbrukskontoret er med. Her skal anten Prosjektsekretær eller ein frå Prosjektgruppa vera med.

Aktuelle tema på dette møtet er:

- a) Gjennomgå status for sauehaldet i kommunen
 - b) Status for gjeldande beitebruksplan
 - c) Arbeidsoppgåvene til dei lokale arbeidsgruppene
 - d) Velgje ut organisasjonar og deltakarar til dei lokale arbeidsgruppene
 - e) Lage framdriftsplan for arbeidet
3. Prosjektsekretæren ber om møte med Innovasjon Norge i Buskerud. Her bør også folk frå Styringsgruppa vera med.

Møtet slutt kl. 14.00

Per H. Liahagen
Prosjektsekretør